

1. Երբ փորձությունները քեզ կպատեն,
 Հուսահատությունը քեզ կայցելի,
 Հոգուդ վերքերը միայն կամոքեն
 Կենաց խոսքերը Ավետարանի:

Ավետարանն է Աստծո պատկերը և զորությունը,
 Ավետարանն է Քրիստոսի սերը և հարությունը,
 Ավետարանն է ճամփան, ճշմարտությունը և կյանքը,
 Ավետարանն է Աստծո Որդու լույսն ու փառքը:

2. Ավետարանը Հայր Աստծո խոսքն է՝
 Գրված Նրա Որդու սուրբ արյունով:
 Նա բժշկում է և արդարացնում,
 Հույս, հավատք, սեր է ձրի պարգևում:

3. Ավետարանը երկնքից իջած
 Աստծո սիրո շնորհն է փառապանծ,
 Բարի լուրն է մեր հոգու փրկության,
 Որ պարգևում է մեզ կյանք հավիտյան:

4. Ավետարանն է համայն աշխարհում
 Բոլոր ազգերին արդեն քարոզվում:
 Ժամանակն էլ է արդեն վերջանում,
 Աստծո արքայությունն է մոտենում: